


什麼才是解決川事根本的辦法





3 0790 5725 7

什麼才是解決川事的根本辦法

陳世航

本文草成、遲遲未予發表、中央以應付國難忙、無暇顧及川事、即派遣大員之命、亦未切實履行、乃近日消息傳來、羣魔復張牙舞爪、無所悔禍、西陲風雲、又趨緊急、本文於時間性雖不甚合、第於根本方面、自信尚不失其荊蕀之義、爰排印成冊、以供留心川事者之參考、 作者附識

一九三三、五、一、于南京、

(一)

四川軍閥、由去年十月二日、開始其蝸觸蠻鬥、直至本年一月中旬、軍事行動、大體方告結束、於是中央第三百四十次政治會議、亦於月之十八日、有派張羣會同川省當局、根據民十七年

政府命令、商訂辦法呈核施行之決議、在此私鬥期間、吾人雅不欲有言、非故安於緘默、良以空言無補、徒供軍閥冷笑、有何意義之足云、惟目前中央馬後之礮已發、張羣行將入川、殘喘僅延之川民、且啓其垂死之晴、乞靈於中央所派之大員、乃至所謂川政整理委員會、丁此關頭、吾人有不能已於言者、願貢獻於負有解決川事使命之張君、並以促起川籍名流與垂斃川民之注意、

(二)

在鬥爭時間、吾人一面目覩川人之膏血、隨鎗子礮彈、化爲瓦斯、淪歸於無何有之鄉、一面朝野上下、奔走呼號、企圖挽救之聲、亦爲肉搏衝鋒之聲所淹沒、雖然、在此過程中、舉凡人民

之呼聲、當局之意見、策士之條陳、無不竭智盡慮、萃智慧於治川辦法之林、則最值吾人研究之事也、抑有進者、吾人最爲置念之問題、尙不在於臨時救濟或隔靴搔癢之普通方式、乃在如何而能澈底治川、卽如何而始爲解決四川問題之根本辦法是也、

對川事主張之各方面、如四川旅京同鄉會制止川戰特委會先後貢獻之意見、如西陲協進會及四川黨務特派員召集省民會議之主張、如在滬中委解決川事之辦法、如戴季陶先生重申民十七年命令之建議、如旅京滬四川同鄉之條陳十項、以及見於報章雜誌、用公私名義發表之偉論讜言、甚至四川九十餘將領之治川綱要、劉文輝江日通電所論例、舉凡有關川事之主張、大都思慮精審

、方法進步、雖持論有異、然大體歸納、不外二項原則、(一)治理之目標、求達到打破防區制、裁編軍隊、罷免苛政、收集人材、扶持教育、統一軍民各政、(二)治理之負責者、改組省政府、添設西康省、召集省民會議、政權交還人民、設置四川整理委員會、綜觀上列辦法、宏籌碩劃、誠能見諸事實、豈非川民之幸、惟據吾人之經驗、欲估量某種主張之價值、胥視此主張實現程度之高低以爲斷、吾人最滋疑慮者、不在於主張計劃本身之優劣問題、而在於此主張計劃之實施問題也、吾人欲問、此主張與計劃者、究交何人執行乎、如謂改組省政府或組織整委會即可解決川事、則民國廿有餘年之川亂、早可消弭於無形、何致戰亂迭出至四

、時至今日、亂事隨之以增、釀成岌岌不可終日之社會問題、是知徒用政治手腕、非獨無益而又害之、遺與虎謀皮之譏、誠不智之尤者矣、至於召集川民會議、謀政權歸還人民、同意非不美善、所可慮者、以素無訓練無組織之川民、咄嗟之間、欲求產生真正民意代表、固不可能、藉曰能之、以質同散沙之羣衆、果有何種力量、以執行會議所付與之使命耶、究其終極、不過給予嘗試川民自決者以惡劣之印象、初無補於實際也、或謂假民意與政治手腕、均不可以解決川事、推有經由中央、派遣一旅之師、武力解決、庶可收功、是說也、似較爲可靠而實不可期、以川省問題之複雜與嚴重、非單純武力可以收功、事甚顯然、匪特此也、四

川軍閥、有一特性、卽內鬩牆而外禦侮是、徵之滇黔北洋各軍之入川、及最近赤匪侵入、無次不息內爭共謀抵抗、則今日利用之而奉爲中央者、安見異曰不排斥之而視爲仇讎、且也、川省號稱天府、位偏西陲、據其地者、立啓野心、恃武劣解決川事、將不旋踵而問題依然、非一勞永逸之道也、其餘治川談者、或據一得之見、或非根本之策、姑略而不論、總之、今昔謀治川者流、有治本之期望而無根本良方者、第一在誤目的爲辦法、致落於紙上之空談、第二在不識問題之複雜性、致辦法每流於偏枯、質而言之、卽不明四川局面、刻已爲一最嚴重之社會問題、更不知解決社會問題、除採取革命手段、固無他道可遵也、

(三)

川省非單純的政治軍事或其他部份問題、而屬於一極嚴重的社會問題既如上述、苟有疑余言者乎、請試一考察四川之社會性、

四川社會基礎、係於農村經濟、較中國各省爲尤著、近年以來、外受帝國主義之侵蝕、內受封建軍閥團閥以及貪污土劣之掠取、更加以天災戰禍、於是四川之農村、已經急劇的崩潰而趨於沒落、據廿一年度國際貿易局一二兩期之報告、中國對外貿易之入超、年來業已增至五萬萬元而未有已：每省平均損失、約在二千三百萬元以上、四川自不能例外、又據川民月刊及新創造之調

查、單就軍團兩費計、每年川民負擔、已在三萬四千四百萬元左右、其餘臨時苛派各種雜捐、經手者之中飽、各級額外之剝削、以及其他政教地方事業各費、無論直接間接、增加川民之負擔、尤不可以數計、估計四川民衆、所受帝國主義及封建勢力層重之剝削、其數當在十萬萬以上、四川人口、號稱七千萬、實則調查所得、歧異甚大、據十年前北京國務院、交通部郵局、以及海關調查、平均數目、約得五千九百萬口、比來天災人禍、人口次第減少、更除軍團匪類及剝削者與流氓無產者外、直接負擔此十萬萬以上之巨款者、不過四千萬左右、平均每人所受剝削、當在四十元以上、而旱災水患不計焉、且以幣制破壞、銀價增高、（每

元值銅元二十一串）生活已難維持，更安能經此意外徵取，况農人所產米粟、既難自得一飽、即絲糖藥材等副產物、亦以苛稅繁重而致萎縮、麻布由榮昌運至重慶、程途三百里、納稅十五次、當成本百分之八十九之多、又如由碧口運大黃至重慶、納捐八十三次、成本二千兩者、竟納捐千九百元之鉅、農人既無田耕、手工業者及商賈之類、亦墮入失業破產之苦境、於是羣趨都市、充當苦力、至是原有苦力受新增苦力之影響、至無法維持其最低限度之生活、例如東大路以抬滑竿爲生者、日行八十里、每里力錢由二百文至三百文爲最多、每日二人所得、至多不過二十四串、以銀洋計、不過一元左右、除客店、飯食、鴉片（四川苦力、多

藉鴉片以壯力）開支、出入幾不能相抵、家室生活、更不能理料、如遇生意淡薄、賦閑一日、即枵腹一日、流而爲餓殍者、比比皆是、此類無產羣衆、壯者黠者、當兵爲匪、弱者愿者、乞討叫化、據川民月刊之調查、四川有兵三十餘萬、團六十餘萬、匪十餘萬、而飢民流亡及非生產之苦力不與焉、估計何止三百萬、吾人所宜知者、此三百萬之無產羣衆、卽四川經濟基礎破產之果也、游民愈重、破產之程度愈增、其表現於四川民衆者、係農無田耕、工人失業、商賈裹足、士子失學、其反映於羣衆意識者、乃係人心騷動、反映於青年思想者、日趨於尖銳激烈、反映於政治者、爲不統一無秩序、如此日復一日、年復一年、以造成今日最嚴

重複雜而恐怖之社會問題、

(四)

『惟革命方法、始能解決社會問題、』此至合於社會革命之邏輯、亦事實上必然之趨勢、吾人既從各面各方、證明四川社會問題之嚴重、則適用是項邏輯、自屬無疑義的必然與必要、如因認識不清、或苟安一時、或屬別有作用、必欲違反是項鐵則、而採取換湯不換藥的某種單純方法、意存嘗試與徼倖、匪特不能奏功、抑且愈形惡化、究其極也、必問題本身、愈益嚴重、革命因子、愈益繁衍、革命客觀條件、愈更成熟、偷安一時者、結果不能偷安、徒驚形式者、且不保其形式、猶之康莊大道、人所必經、

遵歧途而行支路者、曠時費事、終致非行此道、不能通也、吾人所謂革命方法者、要件有四：第一、革命之主力、必爲人民之自身、第二、革命之力量、必有嚴密之組織；第三革命之精神、爲不妥協與澈底、第四、革命之目的、乃在求舊制度之根本破壞與新制度新社會基礎之建設、準此以談、吾人之所希冀、有如下列三者：

一、所期望於四川民衆者、要自儕於救川主力軍地位、以不依賴身外任何勢力之精神、抱最大之決心與信心，作有計劃之運動、求達到自身解放之鵠的、

二、所期望於四川藉智識份子與名流者、宜認清四川問題之

性質、對內以當仁不讓之精神、領導川民自決之運動、對外督促中央、宣傳國人、使知過去處置之非、與今後川民自決之必要、以求得援助與同情、

三、所期望於中央者、其一、應確定一貫之方針、唯一的爲扶助川民自救之革命行動、其二、宜抱公正無私之態度、決不利用何部、援助何方、其三、決不假川閥以任何名器、其四、籌有根本辦法時、以毅然決然之態度解決之、否則徒放馬後礮、或隨着槍桿所指之辦法、勿寧扳起面孔、給他一個不理之爲愈、

綜而言之、確定綿密之計劃、培養健全之主力、深入各種社會之下層、去組織羣衆、訓練羣衆、作爲救川治川之基本、更以

上層政治的掩護、與友軍的聲援、作爲運用的手段、如此始足以治川、亦卽解決川事之根本辦法、

(五)

四川爲封建軍閥割據之社會、其防制人民之革命運動、自屬周到綿密、雖然、吾人不能以其防制之力、卽誤斷革命運動之永不發生、四川所以暫時相安者、固因軍閥鐵蹄下之川民、缺乏組織之所致、第亦不能謂其缺乏組織、卽無法以策動革命、四川革命運動、將以壓迫過甚、而在無組織情形之下、釀成斬木揭竿、不約而同之暴民革命、是種革命發動、如無適當之指導、將致變亂延長、難期建設之成功、徒增長革命犧牲之日時、目前問題、

最值吾人置念者、在於革命發生時期指導者之缺乏與錯用、就前者言、四川國民黨人、除照例行文及暗鬥私爭外、問能深入下層指導羣衆者有幾人、能擁護本黨之羣衆又幾人、就後者言、四川青年、因過受壓迫之反響、思想日趨於過激、而徐賀兩匪、乘川閥醜打之隙、領衆西響、冀得巴蜀之革命領導權、以造成江西第二、今日之事、已間不容髮、如川民尙不自覺、中央猶妄投藥劑、吾人除興亡省之悲外、尙復何言、尙有何言、一、三〇、（完）

十六七六三頁數勘

四四三十三行數謄

二十七二十十字數表

賀劣開例誤

力以用列正
鄭

753942



753942